

Peteloh Hōsu

1 Góa Símòng Peteloh, sī lésu Kitok ê pòkjîn kah sùtō, siá phoe hō hiahê óakhò lán ê SiōngChú kah KiùChú lésu Kitok ê konggī, kah goán hunhióng kângkhoán pókui sngióng ê lâng.

2 Goān lín thongkòe jīnbat SiōngChú kah lán ê Chú lésu, ē tàng tit tiòh honghong hùhù ê intián kah pengan!

SiōngChú ê Hōtiàu kah Kéngsoán

3 Chú chià tiòh I ê sīnsèng koānlêng, íkeng kā sengoáh kah kèngkhiân só suiàu ê itchhè lóng siúⁿsù hō lán, che sī inūi lán jīnbat hit ūi ēng I kakī ê chunkui kah êngkng teh hōtiàu lán ê SiōngChú. **4** Chià tiòh I ê chunkui kah êngkng, SiōngChú íkeng kā pókui koh kībiāu ê èngún siúⁿsù hō lán, hō lán ē tàng thoatlī sèkan ê chēngiòk só chōsēng ê pāihoāi, koh ē tàng hunhióng SiōngChú ê sīnsèng. **5** Chiàⁿchiàⁿ tòh sī ūi tiòh chitê iánkò, lín tiòh chīn choānlék pahpiàⁿ, tī sīnsim kethiⁿ tekhēng; tī tekhēng kethiⁿ tìsek; **6** tī tìsek kethiⁿ chúchat; tī chúchat kethiⁿ jímnaī; tī jímnaī kethiⁿ kèngkhiân; **7** tī kèngkhiân kethiⁿ hiaⁿtī chi chēng; tī hiaⁿtī chi chēng kethiⁿ thiàⁿsim. **8** Lín nā ū chiahê tekhēng, koh ná lâi ná kethiⁿ, lín tòh ē koh khah chekkék, koh khah ū hāulêng lâi jīnbat lán ê Chú lésu Kitok. **9** Inūi lâng nā bô chiahê tekhēng, tòh sī kantaⁿ khòⁿ kīn bô khòⁿ hng, á sī chheⁿmê, bē kītīt in íchēng ê chōe íkeng pī séchheng ā.

10 Sói, góa ê hiaⁿtī chímoē, lín tiòh koh khah khīnbián, lâi khakjīn SiōngChú tui lín ê hōtiàu kah kéngsoán. Lín nā áne chò, tòh éngoán bē sitchiok. **11** Anne, SiōngChú tòh ē tōatōa sù hok, hō lín ē tàng chīnjip lán ê KiùChú lésu Kitok éngoán ê koktō.

12 Lín suijiân íkeng chai chiahê tāichì, koh

彼得後書

1 我西門彼得，是耶穌基督 ê 僕人 kah 使徒，寫 phoe hō hiahê óa 靠咱 ê 上主 kah 救主耶穌基督 ê 公義，kah 阮分享全款寶貴信仰 ê 人。

2 願 lín 通過認 bat 上主 kah 咱 ê 主耶穌，ē tàng 得 tiòh 豐豐富富 ê 恩典 kah 平安！

上主 ê 呼召 kah 揀選

3 主藉 tiòh 祂 ê 神聖權能，已經 kā 生活 kah 敬虔所需要 ê 一切 lóng 賞賜 hō咱，這是因為咱認 bat hit 位用祂 kakī ê 尊貴 kah 榮光 teh 呼召咱 ê 上主。 **4** 藉 tiòh 祂 ê 尊貴 kah 榮光，上主已經 kā 寶貴 koh 奇妙 ê 應允賞賜 hō咱，hō咱 ē tàng 脫離世間 ê 情慾所造成 ê 敗壞，koh ē tàng 分享上主 ê 神性。 **5** 正正 tòh 是為 tiòh chitê 緣故，lín tiòh 盡全力 phah 拚，tī 信心加添德行；tī 德行加添智識； **6** tī 智識加添擲節；tī 擲節加添忍耐；tī 忍耐加添敬虔； **7** tī 敬虔加添兄弟之情；tī 兄弟之情加添疼心。 **8** Lín 若有 chiahê 德行，koh ná 來 ná 加添，lín tòh ē koh khah 積極，koh khah 有效能來認 bat 咱 ê 主耶穌基督。 **9** 因為人若無 chiahê 德行，tòh 是 kantaⁿ 看近無看遠，á 是 chheⁿmê，bē 記得 in 以前 ê 罪已經被洗清 ā。

10 所以，我 ê 兄弟姊妹，lín tiòh koh khah 勤勉，來確認上主對 lín ê 呼召 kah 揀選。Lín 若 áne 做，tòh 永遠 bē 失足。 **11** Anne，上主 tòh ē 大大賜福，hō lín ē tàng 進入咱 ê 救主耶穌基督永遠 ê 國度。

12 Lín 雖然已經知 chiahê tāichì，koh 堅守

kiansiú lín số niásiū ê chinlí, m̄ koh góa iáusī tiòh tiāⁿtiāⁿ kā lín thêchhéⁿ. 13 Góa siūⁿ, chíàu góa iáu oáh teh, góa tòh engkai tiāⁿtiāⁿ thêchhéⁿ lín ē kítit chiahê tāichì. 14 Inūi chiàu lán ê Chú Iésu Kitok kā góa chísī ê, góa chai góa līkhui sèkan ê jìtchí íkeng teh beh kàu à. 15 Jìchhiáⁿ góa mā beh chīnsim chīnlék, thang hō lín tī góa līsè liáuāu, iáu putsī ē kítit chiahê tāichì.

Kitok Êngkng ê Kiànchèngjîn

16 Goán íchêng bat tùi lín kóngkhí koanhē lán ê Chú Iésu Kitok ê tōa koānlêng kah chàilím, he pēng m̄ sī kinkì kíkha liapchō ê thoānsiat, khiok sī goán ū chhinbák khòⁿkìⁿ l̄ ê tōa uigiām. 17 l̄ tùi ThiⁿPē SiōngChú niásiū chunkui kah êngkng ê sí, tùi kéktoa ê êngkng tiong ū siaⁿ thoān kàu l, kóng, "Chitê sī Góa số thiàⁿ ê Kiáⁿ, sī Góa chinchiàⁿ kahì ê." 18 Tng goán kah l̄ tī sèngsoaⁿ ê sí, goán mā ū chhinhiⁿ thiaⁿkìⁿ chitê tùi thiⁿténg thoān lâi ê siaⁿ.

19 Jìchhiáⁿ, goán koh ū tāigiânjîn siōng khókhò ê īgiân. Lín tiòh chùi chitê īgiân, chhinchiūⁿ lín teh chùi chit pha tenghóe tī oām tiong hoat kng, ittít kàu thiⁿ phúkng, khébêngchheⁿ tī lín ê simlâi chhuthiān ê sí. 20 Siōng iàukín ê sī, lín tiòh chai, m̄ thang sūpiān chiàu kakī ê ìsù lâi káisoeh kengtián tiong sōu tāigiânjîn ê īgiân. 21 Inūi īgiân m̄ sī chhut tī láng ê ìsù, khiok sī láng hō Sènglêng kám-tōng, kóng chhut tùi SiōngChú lâi ê òe.

lín 所領受 ê 真理, m̄ koh 我 iáu 是 tiòh tiāⁿtiāⁿ kā lín 提醒。 13 我想, 只要我 iáu 活 teh, 我 tòh 應該 tiāⁿtiāⁿ 提醒 lín ē 記得 chiahê tāichì。 14 因為照咱 ê 主耶穌基督 kā 我指示 ê, 我知我離開世間 ê 日子已經 teh beh 到 à。 15 而且我 mā beh 盡心盡力, thang hō lín tī 我離世了後, iáu 不時 ē 記得 chiahê tāichì。

基督榮光 ê 見證人

16 阮以前 bat 對 lín 講起關係咱 ê 主耶穌基督 ê 大權能 kah 再臨, he 並 m̄ 是根據奇巧捏造 ê 傳說, 卻是阮有親目看見祂 ê 大威嚴。 17 祂 tùi 天父上主領受尊貴 kah 榮光 ê 時, tùi 極大 ê 榮光中有聲傳到祂, 講: 「Chitê 是我所疼 ê Kiáⁿ, 是我真正 kah 意 ê。」 18 當阮 kah 祂 tī 聖山 ê 時, 阮 mā 有親耳聽見 chitê tùi 天頂傳來 ê 聲。

19 而且, 阮 koh 有代言人 siōng 可靠 ê 預言。 Lín tiòh 注意 chitê 預言, 親像 lín teh 注意一 pha 燈火 tī 烏暗中發光, 一直到天 phú 光, 啟明星 tī lín ê 心內出現 ê 時。 20 Siōng 要緊 ê 是, lín tiòh 知, m̄ thang 隨便照 kakī ê 意思來解說經典中所有代言人 ê 預言。 21 因為預言 m̄ 是出 tī 人 ê 意思, 卻是人 hō 聖靈感動, 講出 tùi 上主來 ê 話。